
ԱՔԵՄԵԼՅԱՆ ՊԱՐՍԿԱՍՏԱՆԻ I ՍԱՏՐԱՊՈՒԹՅԱՆ
ՎԱՐՉԱԿԱՆ ԲԱԺԱԼՄԱՆ ՇՈՒՐՁ

ՀՈՎՀԱՆՆԵՍ ԽՈՐԻԿՅԱՆ

Հերոդոտոսի համաձայն՝ «հոնիացիներից, Ասիայի մագնեսյաններից, էոլյաններից, կարիացիներից, լյուկիացիներից և միլյուացիներից և պամփյուլիացիներից, քանի որ նրանց բոլորի համար սահմանվել էր մեկ ընդհանուր հարկ, ստացվում էր չորս հարյուր տաղանդ արծաթ: Այս էլ Դարեհը հաստատեց որպես առաջին նահանգ»¹: Այս բազմազգ սատրապության մեջ մտնող ժողովուրդներից, ցեղերից և քաղաքներից յուրաքանչյուրի նկատմամբ պարսից արքունիքը վարում էր վարչական այնպիսի քաղաքականություն, որը, ելնելով տեղական պայմաններից և պետության շահերից, պարբերաբար ենթարկվում էր կառուցվածքային փոփոխությունների: Ստորն կքննենք մագնեսյաններին, էոլիացիներին կամ էոլյաններին, միլյուացիներին և պամփյուլիացիներին վերաբերող անտիկ աղբյուրների այն տեղեկությունները, որոնք վերաբերում են Աքեմենյան տերության սատրապական բաժանման համակարգին:

Մագնեսյաններ: Մագնեսյանների առանձին հիշատակվելը I սատրապության կազմում հետաքրքիր է այն առումով, որ վերջինիս հետ Աքեմենյան արքաները, ըստ էության, ունեցել են քաղաքական հարաբերությունների այնպիսի ձև՝ «անձնական ունիա», որը թույլ է տվել մագնեսյաններին որպես առանձին վարչական միավոր ներառվել սատրապության կազմում: Մագնեսիա քաղաքը, որը գտնվում էր Մեանդրոսի հովտում², Մեանդրոսի վտակ Լեթայոսի ափին, Թորաքս լեռան ստորոտին³, նվաճում է մեդացի Մագարեսը⁴: Այլ մանրամասներ Հերոդոտոսը չի հաղորդում:

Հերոդոտոսի տեղեկություններից պարզվում է, որ Փոյուգիայի, Լյուդիայի և Հոնիայի սատրապ Օրոյտեսի նստավայրը Մեանդրոսի Մագնեսիան էր⁵: Արտաքսերքսես Ա-ն Մագնեսիան՝ որպես «հաց», տալիս է Թեմիստոկլեսին⁶: Պլուտարքոսն ավելացնում է նս երկու քաղաք՝ Լամպսակոսը՝ որպես «զինի», և Միունտը՝ որպես «ձուկ»⁷: Ստրաբոնը հայտնում է, որ Մագնեսիան գրավել է

¹ *Στέυ Ζερονηνοου. Պատմություն ինը գրքից (այսուհետև՝ *Ζερονηνοου*), թարգմ. Ս. Կրկյաշարյանի, Երևան, 1986, III, 90:*

² *P l i n y. Natural History, vol. II (այսուհետև՝ *P l i n y*), with an English translation by H. Rackham, Cambridge–Massachusetts–London, 1947, Loeb Classical Library, XXXI, 114, p. 306.*

³ *Страбон. География в 17 книгах (այսուհետև՝ *Страбон*) пер., статья и комм. Г. А. Стратановского. Л., 1964, с. 605.*

⁴ *Ζερονηνοου, I, 161:*

⁵ *Նույն տեղում, III, 122:*

⁶ *Фукидид. История (այսուհետև՝ *Фукидид*), пер. Ф. Г. Мищенко. М., 2012, с. 69, 423; Cornelius Nepos. London–Cambridge–Massachusetts, 1960, Loeb Classical Library, Themistocles, X, 2, p. 406; Diodori Bibliotheca Historica, ed. L. Dindorfius, vol. II, Lipsiae, 1826, XI, 57, p. 59.*

⁷ *Плутарх. Избранные жизнеописания (այսուհետև՝ *Плутарх*), т. I. М., 1987, с. 241.*

Լյուդիայի թագավոր Գյուգեսը, և քաղաքը կործանվել տրերների կողմից մ. թ. ա. 650 թվականին: Տրերներից հետո Մագնեսիան նվաճում են նաև միլեթցիները⁸: Հետաքրքիր է, որ Մեանդրոսի Մագնեսիան հռոմեացիների տիրապետության ժամանակ հայտարարված էր ազատ քաղաք⁹: Ստրաբոնը նույնպես գրում է, որ Քսենքսեսը (իմա՝ Արտաքսերքսես Ա-ն) Թեմիստոկլեսին Մագնեսիան շնորհում է «հացի համար»¹⁰: Մագնեսիայի բնակիչները ծագումով Թեսալիայից և Կրետեից էին¹¹: Մագնեսիան տեղադրվում է ներկայիս Թեքքե կամ Բնեկ-բազար վայրում¹²: Համաձայն Արիանոսի՝ Մագնեսիան ենթարկվում է Ալեքսանդր Մակեդոնացուն¹³:

Դասական աղբյուրների տեղեկությունների մեջ հատկապես կարևոր է Ստրաբոնի այն հաղորդումը, թե Մագնեսիան էոլական քաղաք է¹⁴: Ըստ էության, Մագնեսիայի կամ մագնեսյանների հիշատակվելը I սատրապության կազմում ցույց էր տալիս Մագնեսիայի յուրահատուկ կարգավիճակը, ինչով էլ պայմանավորված՝ այն հետագայում շնորհվում է Թեմիստոկլեսին: Սա կարող է նշանակել, որ Աքեմենյանների համար Մագնեսիան եղել է, այսպես կոչված, արքունի տիրույթ, որը ծառայության համար տրվում էր այս կամ այն անձին:

Էոլյաններ: Էոլիացիները գաղթել են հետագայում հայտնի Թեսալիա և Բեոլտիա մարզերից՝ սկզբում հաստատվելով Լեսբոս և Տենեդոս կղզիներում, ապա՝ Տրովադայի առափնյա շրջանում ու վերջինիցս արավ ընկած տարածքներում¹⁵: Էոլիսը և էոլիացիները էթնոլեզվական հասկացություններ են և չունեն քաղաքական կամ աշխարհագրական բովանդակություն: Համաձայն Պլինիոս Ավագի՝ Էոլիսը նախկինում կոչվել է Սյուսիա¹⁶:

Էոլներին Հայրուս գետից արևմուտք ընկած բազմաթիվ ժողովուրդների հետ նվաճում է Կրեսոսը¹⁷: Կյուրոս Մեծը Հելլեսպոնտոսյան Փոյուզիան և Էոլիսը հանձնում է Փառնոքոսի կառավարմանը¹⁸, ինչը ցույց է տալիս վերջիններիս՝ մեկ վարչական միավորի մեջ լինելը: Հերոդոտոսը հիշատակում է էոլական տասնմեկ քաղաքները՝ Կյուսե, որը կոչվում էր Փոփոնիական, Լարի-

⁸ Страбон, с. 605–606.

⁹ Նույն տեղում, էջ 582:

¹⁰ Նույն տեղում, էջ 595:

¹¹ Նույն տեղում, նաև՝ էջ 605: Քսենոփոնի հիշատակած մագնեսիացիները Թեսալիայից էին (տե՛ս Ք ու է ն փ ո ն ն. Անաբասիս, թարգմ. Ս. Կրկյաշարյանի, Երևան, 1970, էջ 138):

¹² A Commentary on Herodotus Books I–IV, ed. by O. Murray, A. Moreno, Oxford University Press. Inc., New York, 2007, p. 482; Dictionary of Greek and Roman Geography, ed. by W. Smith, v. II. Boston, 1857, p. 252.

¹³ Արիանոս. Ալեքսանդրի արշավանքը.– Ալեքսանդր Մակեդոնացի (այսուհետև՝ Արիանոս), Երևան, 1987, էջ 35:

¹⁴ Страбон, с. 605, 607.

¹⁵ T. Bryce. The Routledge Handbook of the Peoples and Places of Ancient Western Asia, London, New York, 2009, pp. 7–8.

¹⁶ Pliny. XXXII, 121, p. 310. Պլինիոս Ավագը իր գրքում հիշատակում է բազմաթիվ էոլական քաղաքներ (նույն տեղում, էջ 310–313):

¹⁷ Հ եր ո դ ո տ ո ս ու. I, 6, 28: Տե՛ս նաև Ք ու է ն փ ո ն ն. Կյուրոսպեդիա, թարգմ. Ս. Կրկյաշարյանի, Երևան, 2000, էջ 241:

¹⁸ Ք ու է ն փ ո ն ն. Կյուրոսպեդիա, էջ 355:

սե, Նոր Բերդ (բառացի՝ Նոր պարիսպ, որը հիշատակում է նաև Ստրաբոնը¹⁹), Թեմնոս, Կիլլա, Նոտիոն, Այգիրոեսաս, Պիտանե, Այգայա²⁰, Մյուրինա, Գրյունեյա: Նախկինում էոլական քաղաքները տասներկուսն էին, որոնցից մեկը՝ Սմյուռնեն, ներկայիս Իզմիրի մոտ²¹, նվաճում են հարևան հունիացիները²²: Էոլական քաղաքների մեջ իր նշանակությամբ ամենակարևոր քաղաքը Կյուսմեն էր, որը Էոլիսի կենտրոնն էր: Կյուսմեն՝ ներկայիս Նեմրութ Լիմանին, կառավարում էր պարսից արքայի կողմից նշանակված հյուպարքոսը²³, ով, հավանաբար, Էոլիսի՝ որպես վարչական միավորի ղեկավարն էր: Թուկիդիդեսը և Արիանոսը նույնպես Կյուսմեն համարում են էոլական քաղաք²⁴: Արիանոսը, առանց քաղաքների անունները նշելու, գրում է, որ էոլական քաղաքները նվաճվում են Ալեքսանդր Մակեդոնացու կողմից²⁵:

Կյուրոս Կրտսերը Հոնիայի, Էոլիսի և մերձակա երկրների կառավարիչ է նշանակում իր ընկերոջը՝ Տամուսին²⁶, որի կառավարման շրջանը համապատասխանում է I սատրապության տարածքին:

Աքեմենյան պետության կործանման ժամանակ Էոլիսը հիշատակվում է առանձին²⁷, ինչը խոսում է այն մասին, որ Էոլիսը Ալեքսանդր Մակեդոնացու արշավանքների ժամանակ առանձին վարչական միավոր էր: Էոլական և հունիական քաղաքներում Ալեքսանդրի զորավար Լիսիմաքոսը նախկին հարկերը վճարելու պայմանով պետք է վերականգներ դեմոկրատական կարգերը և հին օրենքները²⁸:

Մինչև Աքեմենյան պետության անկումը մ. թ. ա. IV դարի սկզբին էոլական Թեմնոսը, Այգայոսը և այլն հիշատակվում են որպես քաղաքներ, որոնք կարող

¹⁹ Страбон, с. 582.

²⁰ Էոլական փոքրիկ քաղաք Այգայան հիշատակում է Պլուտարքոսը (տե՛ս Плутарх. с. 238).

²¹ A Commentary on Herodotus Books I–IV, p. 179.

²² Հեռոդոտոս, I, 149: Այգայան նույնանում է ներկայիս Նեմրութ Քալեսին՝ Պերգամոնից 35 կմ դեպի հարավ, Գրյունեյան՝ Թեմաշալիկ Բուրնուին, Մյուրինան գտնվել է Պերգամոնից 37 կմ դեպի հարավ, Լարիսեն տեղադրվում է Իզմիրից 28 կմ դեպի հյուսիս գտնվող Բուրունջուկ գյուղի կամ վերջինիցս արևելք ընկած Յանիքքոյի մոտ, Նոտիոնը գտնվել է Սմյուռնեից 55 կմ դեպի հարավ և հաճախ նույնացվում է Կոլոփոնի հետ, Պիտանեն տեղադրվում է Կայրուսի գետաբերանի մոտ (տե՛ս T. Bryce. Նշվ. աշխ., էջ 7, 262, 409, 489, 514, 562), Այգիրոեսաս թերևս, գտնվել է Լեսբոսում, Նոր Բերդը՝ Նեոնթեյիոսը, գտնվել է Հերմոսի և Լարիսեի միջև, Թեմնոսը նույնանում է ներկայիս Մենեմենի հետ (տե՛ս Dictionary of Greek and Roman Geography, ed. by W. Smith, v. I, Boston, 1854, p. 35; Dictionary of Greek and Roman Geography, v. II, pp. 418, 1124): Կիլլան հիշատակվում է «Բիական»-ում (տե՛ս Հոմերոս. Բիական, հին հունարեն բնագրից թարգմանեց Հ. Համբարձումյան, Երևան, 1955, I, 37) և գտնվել է Անտանդրոսի մոտ (տե՛ս J. A. Cramer. Geographical and Historical Description of Asia Minor, vol. I. Oxford, 1832, p. 130):

²³ Հեռոդոտոս, VII, 194: Հմմտ. C. H. Tuplin. The Administration of the Achaemenid Empire, in Coinage and Administration in the Athenian and Persian Empires.– “The Ninth Oxford Symposium on Coinage and Monetary History”. Oxford. 1987, p. 127.

²⁴ Фукидид, с. 141; Արիանոս, էջ 48:

²⁵ Արիանոս, էջ 36:

²⁶ Դիոդորոս Միկիլիացի. Պատմական գրադարան (այսուհետև՝ Դիոդորոս Միկիլիացի), թարգմ. բնագրից, առաջաբան և ծանոթագրություններ Ս. Կրիլյաշարյանի, Երևան, 1985, էջ 57:

²⁷ Առլիոս. Ալեքսանդր Մակեդոնացու պատմությունը.– Ալեքսանդր Մակեդոնացի, էջ 327:

²⁸ A. T. Olsstead. History of the Persian Empire, Third Impression. Chicago, 1960, p. 499.

են գոյատևել՝ չլինելով պարսից արքայի հպատակության տակ²⁹: Այս տեղեկությունը հիմք է տվել ենթադրելու, թե պարսից իշխանությունը Էոլիսում մ. թ. ա. IV դարի սկզբին իրականում չկար³⁰: Մ. թ. ա. 399 թվականին սպարտական զորավար Դերկյուլիդասը, գրավելով Լարիսսան, Համակսիտոսը, Կոլոնայը, առաջարկում է էոլական քաղաքների իշխանություններին դաշնակցել իր հետ և դառնալ ազատ³¹: Հարկավ, մ. թ. ա. IV դարի սկզբին պարսից իշխանությունը Փոքր Ասիայում ենթարկվում էր անընդմեջ փորձությունների, ինչը պայմանավորված էր հույների հետ անվերջ պատերազմներով: Մակայն չի բացառվում, որ Թեմնոսին, Այգայոսին վերնում մեջբերված տեղեկությունը վերաբերում է այն հարցին, որ նշված քաղաքները, ինչպես նաև այլ քաղաքներ, ունեցել են «սրբազան և անձեռնմխելի» լինելու իրավունք, ինչը շնորհվում էր պարսից արքայի կողմից: Այս իրողությունը լայն տարածում է ստանում հելլենիստական ժամանակաշրջանում:

Հերոդոտոսը նաև հայտնում է, որ Բոդայի վրա գտնվող էոլական բնակավայրերն առանձնացած են³², այսինքն՝ պատմիչի մոտ Էոլիան համապատասխանում է միայն տասնմեկ քաղաքների միությանը: Մեկ այլ տեղեկության մեջ ևս Հերոդոտոսը կրկնում է, որ էոլիացիները բնակվել են Բլիոնի երկրում³³, ինչը խոսում է այն մասին, որ Բլիոնում ապրող էոլիացիները վարչական առումով դուրս են գտնվել I սատրապության կազմում հիշատակվող էոլիացիների վարչական տարածքից: Էոլիացիները բնակվել են նաև Լեսբոսում³⁴, ընդ որում՝ Սկիլաքս Կարիանդացին Լեսբոսը համարում է էոլական կղզի³⁵: Էոլիացիներին ավելի ուշ նվաճում է մեդացի Հարպագոսը՝ ենթարկելով պարսից իշխանությանը³⁶:

Քսերքսեսի՝ Հելլադա արշավող բանակի կազմում նախկինում պելասգներ կոչվող էոլիացիները տրամադրել էին տասնվեց նավ և զինված էին հելլենների նման³⁷: Դիոդորոս Միկլիդացին էոլիացիների, լեսբոսցիների և տենեդոսցիների նավերի քանակը հաշվում է քառասուն³⁸, այսինքն՝ նկատի ունի ամբողջ

²⁹ К с е н о ф о н т. Греческая история (*այսուհետև՝ Կսենոֆոնտ*), пер. С. Лурье. М., 2010, с. 364.

³⁰ V. S a r a k i n s k i. The Fallacy of the European Satrapy. – “Ziva Antika”, 60, 2010, № 1–2, p. 90.

³¹ К с е н о ф о н т, с. 307. Հմմտ. Քուենինի. *Սևաբասիս*, էջ 127, R. S e a g e r, C h. T u p l i n. The Freedom of the Greeks of Asia: on the Origins of a Concept and the Creation of a Slogan. – “Journal of Hellenic Studies”, vol. 100, 1980, p. 144.

³² Հ ե ռ ո դ ո տ ո ս, I, 151:

³³ Նույն տեղում, V, 122:

³⁴ Նույն տեղում, VI, 8:

³⁵ С к и л а к К а р и а н д с к и й. Перипл обитаемого моря (*այսուհետև՝ Տկիլակ Կարիանդսկիյ*). – «Вестник древней истории», 1988, 1 2, с. 261. Հեկատեոս Միլեթացին Լադե կղզին՝ Միլեթի դիմաց, համարում է էոլական (տե՛ս С. M. S h e l l e r. Fragmenta historicorum graecorum, v. I, Parisiis. 1841, fr. 226, p. 15), հետևաբար, ենթադրելի է, որ էոլիացիները հարավային ուղղությամբ շարժվել էին բավականին հեռու:

³⁶ Հ ե ռ ո դ ո տ ո ս, I, 171:

³⁷ Նույն տեղում, VII, 95:

³⁸ Diodori Bibliotheca Historica, ed. L. Dindorfius, vol. II, Lipsiae, 1826, XI, 4, p. 7.

Էոլիդա վարչական միավորի տարածքը, քանի որ Տենեդոսը և Լեսբոսը համարվել են էոլական տարածքներ³⁹:

Էոլիդայից հարավ գտնվել են Հոնիան, Կարիան և Լյուկիան⁴⁰: Էոլիացիների իշխանությունը, ըստ Ստրաբոնի, հնագույն ժամանակներում տարածվել է Տրովադայի վրա⁴¹: Էոլիդայի և Հոնիայի սահմանը սկսվում էր Փոկայա քաղաքից⁴², որը Հոնիայի սկիզբն էր հյուսիսում: Ստրաբոնը հաղորդում է, որ էոլական գաղութները ձգվում էին հյուսիսում՝ Կյուզիկոսից, հարավում՝ մինչև Կայկոս և նույնիսկ մինչև Հերմոս գետը⁴³: Էոլական գաղութացման ժամանակ Տրովադան մտնում էր Էոլիդայի կամ Էոլիսի տարածքի մեջ, որը տարածվում էր Աբյուդոսից Կյումե⁴⁴: Ստրաբոնն իր ժամանակաշրջանի բուն Էոլիդան հասցնում էր Հերմոս գետից մինչև Լեկտե⁴⁵՝ ներկայիս Բաբան⁴⁶: Թուկիդիդեսը Անտանդրոսի բնակիչներին համարում էր ծագումով էոլիացիներ⁴⁷:

Ստրաբոնի համաձայն՝ էոլիացիները գաղթել են Թրակիայից և հաստատվել Կյումեում: Նրանք կարողանում են պարտության մատնել Տրոյական պատերազմից թուլացած պելասգներին և գրավել Լարիսսա քաղաքը: Ստրաբոնը հիշատակում է նաև Թեմնոսը, Այգայան, Մյուրինան, Գրյունեյան, Պիտանեն⁴⁸:

Քսենոփոնը հայտնում է, որ Էոլիսը վարչական առումով գտնվում էր Փոքր կամ Հելլենապոնտոսյան Փոյուզիայի սատրապ Փառնաբագոսի գերագույն հրամանատարության տակ, ընդ որում՝ էոլիացիներն ունեին իրենց սատրապը՝ Ջենիսը, որի հիմնական պարտականությունը հարկերի գանձումն էր: Հետաքրքիր է, որ Էոլիսի սատրապին նշանակում էր Փառնաբագոսը. Ջենիսից հետո սատրապ է նշանակում նրա կնոջը՝ Մանիային⁴⁹: Նոր սատրապը կարողանում է իր տիրույթներին միացնել Լարիսսան, Համակսիտոսը՝ ներկայիս Գյուլփինարը, և Կոլոնայը՝ ներկայիս Բեշիկթեփեն, որոնք նախկինում նրան չէին ենթարկվում: Սկիլաքս Կարիանդացու տեղեկությունները ցույց են տալիս, որ Լարիսսան, Կոլոնայը, Համակսիտոսը վաղ ժամանակներում մտնում էին Տրովադայի մեջ⁵⁰, հետևաբար Մանիան նշված քաղաքները գրավում է

³⁹ Հ եր ո ղ ո ս տ ո ս, I, 151, Thucydides, History of the Peloponnesian War, with an English translation by Ch. F. Smith, v. IV, books VII–VIII. London, Cambridge, Massachusetts, 1958, Loeb Classical Library, VII, LVII, 5, p. 112. Տենեդոսը հիշատակվում է դեռևս «Բիսական»-ում (տե՛ս Հ ն մ եր ո ս. Բիսական, I, 37):

⁴⁰ С т р а б о н, с. 124, 129, 146.

⁴¹ Նույն տեղում, էջ 530:

⁴² Նույն տեղում, էջ 544:

⁴³ Նույն տեղում, էջ 545, 563:

⁴⁴ Նույն տեղում, էջ 545:

⁴⁵ Նույն տեղում, էջ 549, Հ ն մ եր ո ս. Բիսական, XIV, 280:

⁴⁶ Dictionary of Greek and Roman Geography, ed. by W. Smith, v. II, p. 153; J. A. C r a m e r. Նշվ. աշխ., էջ 117:

⁴⁷ Ф у к и д и д, с. 453. Տե՛ս նաև С к и л а к К а р и а н д с к и й, с. 261.

⁴⁸ С т р а б о н, с. 583.

⁴⁹ М. А. Д а н д а м а е в, В. Г. Л у к о н и н. Культура и экономика древнего Ирана. М., 1980, с. 117.

⁵⁰ С к и л а к К а р и а н д с к и й, с. 261; Т h u c y d i d e s. History of the Peloponnesian War, VIII, CI, 3, p. 380. Պիինոս Ավագը Համակսիտոսը կամ էլ վերջինիցս հարավ ընկած Լեկտեն համարում էր Տրովադայի սկիզբը հարավում (տե՛ս P l i n y. XXXII, 123, p. 312; XXXIII, 124, p. 312):

Տրովադայից: Մանհային էին ենթարկվում նաև Սկեպսիսը (Կուրշունլութեփե), Գերգիթան (Յիրչե), Նեանդրիան (Չիգրի Դադ), Բլիոնը, Կոկիլիոնը (Կարան)⁵¹: Էոլիսը վարչական առումով ավելի ուշ դուրս է գալիս Փառնաբազոսի ենթակայությունից և անցնում Տիսասափեռնեսին, սակայն Էոլիսը հետագայում կրկին անցնում է Փառնաբազոսին⁵²:

Քսենոփոնը «Անաբասիս» երկում մի առիթով կողք կողքի նշում է «Էոլիսը, Փոյուգիան (Հելլեսպոնտոսյան Փոյուգիա – Ն. Խ.), Տրովադան և Փառնաբազոսի իշխանության տակ գտնվող ամբողջ երկիրը»⁵³: Քսենոփոնի՝ վերևում բերված տեղեկություններից պարզվեց, որ «Անաբասիս»-ի տվյալ հաղորդման մեջ հիշատակվող երկրները գտնվել են Փառնաբազոսի գերագույն ռազմական հրամանատարության տակ, իսկ որպես սատրապ՝ Փառնաբազոսը կառավարում էր Հելլեսպոնտոսյան Փոյուգիան և Բյոթանիան: Մ. թ. ա. 389 թվականին Սպարտան կարողանում է Փառնաբազոսից խլել էոլիական քաղաքները⁵⁴:

Էոլիական քաղաքները հիշատակվում են մ. թ. ա. 454–453, 450–449, 447–446 թվականների աթենական հարկացուցակներում՝ հելլեսպոնտական, կարիական և հոնիական փոքրոսների մեջ⁵⁵:

Մ. թ. ա. IV դարի սկզբին Էոլիսի կառավարիչը սեփական գանձարանում ուներ այնքան դրամ, որը բավական էր մեկ տարի շարունակ 8000 զինվոր պահելու համար⁵⁶:

Միլյուացիներ: Լյուկիացիների և պամփյուլիացիների միջև հիշատակվող միլյուացիները տեղադրվում են Միլյուաս երկրում, որը, ըստ ավանդության, գրավում են լյուկիացիները: Միլյուացիների հին անվանումն էր սոլյումներ⁵⁷: Վերջիններիս Ստրաբոնը հիշատակում է առանձին՝ չնայնացնելով միլյուացիներին⁵⁸: Չնայած մեկ այլ տեղեկության մեջ ամասիացի աշխարհագետը միլյուացիներին նույնացնում է տերմիլների՝ լյուկիացիների և սոլյումների հետ⁵⁹: Ստրաբոնը սոլյումներ համարում է Կարալիայի բնակիչներին և թերմեստացիներին⁶⁰, այսինքն՝ նկատի ունի ոչ թե Լյուկիայի արևմուտքում գտնվող Կարալիան, այլ Թերմեստը հարակից շրջաններով ընդգրկող Կարալիան, որին հարավից և հարավ-արևմուտքից սահմանակցել է Միլյուասը: Ստրաբոնի տեղեկություններից երևում է, որ Միլյուասը գտնվել է Պիսիդիայից հարավ, Պամփյուլիայից արևելք⁶¹: Միլյուասը Պամփյուլիայի հարևանությամբ հիշատակում է նաև Պոլիբիոսը⁶²:

⁵¹ К с е н о ф о н т, с. 306.

⁵² Նույն տեղում, էջ 313, 371:

⁵³ Ք ս ե ն փ ո ն ն. Անաբասիս, էջ 127:

⁵⁴ A. T. O l m s t e a d. Նշվ. աշխ., էջ 393:

⁵⁵ “The Athenian Tribute Lists”, by B. D. Meritt, H. T. Wade-Gery, M. F. McGregor, vol. III. Princeton, New Jersey, 1950, pp. 20–28, 53, 56.

⁵⁶ М. А. Д а н д а м а е в, В. Г. Л у к о н и н. Նշվ. աշխ., էջ 204:

⁵⁷ Հ է ռ ո ղ ո ս ո ս, I, 173:

⁵⁸ С т р а б о н, с. 520.

⁵⁹ Նույն տեղում, էջ 536:

⁶⁰ Նույն տեղում, էջ 591:

⁶¹ Նույն տեղում, էջ 627:

⁶² P o l y b i u s. The Histories, vol. III, with an English translation by W. R. Paton, Cambridge–Massachusetts–London, 1979, V, 77, p. 190.

Քսերքսեսի բանակի կազմում միյուացիները և կաբալները գտնվում են Հյուստանեսի որդի Բադրեսի հրամանատարության տակ, ընդ որում՝ միյուացիների մի մասը զինված էր լյուկիական աղեղներով⁶³: Միյուասը նվաճվում է Ալեքսանդր Մակեդոնացու կողմից⁶⁴:

Պամփյուլիացիներ: Պամփյուլիա հունարեն նշանակում է «բոլոր ցեղերի բնակավայր, հավաքատեղի»⁶⁵: Պամփյուլիացիները խոսել են հունարենի անուններով, որը կապված է կիպրիերենի և արկադիերենի հետ՝ պարունակելով նաև անատոլիական լեզվի ազդեցությունը⁶⁶: Ըստ Դիոդորոս Միլիիացու՝ առասպելական Նինոսի հետ նույնացվող Կյուրոս Մեծը նվաճում է Պամփյուլիան⁶⁷: Վերջինս տեղադրվում է I սատրապության ծայր արևելքում: Կյուրոս Կրտսերը Հոնիայի, Էոլիսի և մերձակա երկրների կառավարիչ է նշանակում իր ընկերոջը՝ Տամուսին⁶⁸:

Հերոդոտոսը պամփյուլիացիներին համարում է սրոյական գաղթականներ, որոնք Քսերքսեսի՝ Հելլադա արշավող նավատորմում ունեին երեսուն նավ և զինված էին հելլենական զենքերով⁶⁹: Պամփյուլիայում են գտնվել Էվրիմեդոնտ և Կատարակտես գետերը⁷⁰:

Ստրաբոնը Պամփյուլիայի սկիզբը ծայր հարավ-արևմուտքում համարում է Քելիդոնիոն կղզին, ինչը, անկասկած, վերաբերում է հեղինակի ժամանակներին, իսկ ընդհանրապես Պամփյուլիան տեղադրում է Լյուկիայի և Կիլիկիայի միջև՝ արևելքում հասցնելով մինչև Կիլիկիա Տրաքեա⁷¹: Ստրաբոնը նշում է նաև Պամփյուլական ծովը⁷², որն արևելքում միանում է Կիլիկյան ծովին⁷³: Անտիկ աշխարհագետը գրում է, որ Պամփյուլիայի սկիզբը հարավ-արևմուտքում Փասելիս քաղաքից հյուսիս ընկած Օլբիա քաղաքն է՝ ներկայիս Կորուման, իսկ հարավ-արևելքում՝ Կորակեսիան⁷⁴՝ ներկայիս Ալանյան: Պլինիոս Ավագը Պամփյուլիայի վերջին կետը ծովափին համարում է Փասելիսը⁷⁵, ինչն ուշ շրջանի իրողություն է: Ալեքսանդր Մակեդոնացու մահից հետո Պամփյուլիան, Լյուկիան, Մեծ Փոյուգիան անցնում են Անտիգոնոսի կառավարմանը⁷⁶:

⁶³ Հ ե ռ ո ղ ո ս տ ո ս, VII, 77:

⁶⁴ A. T. Olmstead. Նշվ. աշխ., էջ 500:

⁶⁵ J. A. Cramer. Geographical and Historical Description of Asia Minor, vol. II, Oxford, 1832, p. 273.

⁶⁶ T. Bryce. Նշվ. աշխ., էջ 523:

⁶⁷ Դ ի ո ղ ո ս թ ո ս Մ ի կ ի լ ի ա գ ի, էջ 17:

⁶⁸ Diodori Bibliotheca Historica, ed. L. Dindorfius, vol. I, pars I, Lipsiae, 1828, XIV, 19, p. 826.

⁶⁹ Հ ե ռ ո ղ ո ս տ ո ս, VII, 91: Դիոդորոս Միլիիացին պամփյուլիացիների նավատորմը հաշվում է 40 նավ (տե՛ս Diodori Bibliotheca Historica, vol. II, XI, 4, p. 7):

⁷⁰ Ф у к и д и д, с. 52; P l i n y, XXVI, 96, p. 292. Պամփյուլական բազմաթիվ քաղաքներ և գետեր հիշատակվում են Հեկատեոս Միլեթացու կողմից (տե՛ս C. M. Šiller. Fragmenta historicorum graecorum, v. I, Parisiis, 1841, fr. 243–250, pp. 16–17):

⁷¹ С т р а б о н, с. 125, 491, 592, 620.

⁷² Նույն տեղում, էջ 535:

⁷³ P l i n y, XXVI, 96, p. 292.

⁷⁴ С т р а б о н, с. 623–624.

⁷⁵ P l i n y, XXVI, 96, p. 292.

⁷⁶ Դ ի ո ղ ո ս թ ո ս Մ ի կ ի լ ի ա գ ի, էջ 110:

Մ. թ. ա. 362–361 թվականներին պամփյուլիացիները նույնպես միանում են հակապարսկական ապստամբությանը⁷⁷:

Այսպիսով, մագնեսյաններին, էոլիացիներին, միլյուացիներին, պամփյուլիացիներին վերաբերող հին աղբյուրների տեղեկությունների քննությունը ցույց է տալիս, որ սրանցից յուրաքանչյուրի նկատմամբ պարսից արքունիքը հաստատում էր կառավարման այնպիսի համակարգ, որը պայմանավորված էր I սատրապության ձևավորման տեղական առանձնահատկություններով: Մյուս կողմից էլ, ի վերջո, Աքեմենյանների նպատակն էր առավելագույնս արդյունավետ կազմակերպել հարկատվության գործը և հաջողությամբ պաշտպանել Փոքր Ասիան բալկանյան հույների հարձակումներից:

ОБ АДМИНИСТРАТИВНОМ ДЕЛЕНИИ
I САТРАПИИ АХЕМЕНИДСКОЙ ПЕРСИИ

ОГАННЕС ХОРИКЯН

Р е з ю м е

Исследование древних источников, касающихся азиатских магнетов, эолийцев, милиев, памфилов, показывает, что в отношении каждого из них персидский двор устанавливал такую систему правления, которая была обусловлена местными особенностями формирования I сатрапии. С другой стороны, в конце концов, целью Ахеменидов была эффективная организация налогового дела и усиленная защита Малой Азии от вторжений балканских греков.

ON THE ADMINISTRATIVE DIVISION
OF THE I SATRAPY OF ACHAEMENID PERSIA

HOVHANNES KHORIKYAN

S u m m a r y

The examination of old sources related to the Magnesians of Asia, the Aeolians, the Milyans and the Pamphylians shows that the Persian Royal Court was establishing such a management system for each of them which was related to the local features of the establishment of the I Satrapy. On the other hand, the Achaemenians eventually aimed at more effective organization of the taxation case and successful defence of Asia Minor from the attacks of the Balkan Greeks.

⁷⁷ Նույն տեղում, էջ 75: